

愛日精廬藏書志

愛日精廬藏書志卷二十二

子部

醫家類

靈樞經十二卷

元至元刊本

王冰僞托黃帝內經十八卷之九也 目錄後有至元

己卯古林胡氏新刊一條卷一後又有至元庚辰葛節古

林書堂印行兩行

黃帝八十一難經纂圖句解七卷

抄本 從道藏本傳錄

同盧國泰越人撰宋臨川晞范子李駒子堃句解 隨句

箋釋故云句解

可以生人可以殺人莫若兵與刑然兵刑乃顯然之生殺

人皆可得而見醫乃隱然之生殺人不可得而見年來妄
一男子耳不聞難素之語口不誦難素之文豈稱醫人妄
用難解異之於尺寸之脈何啻乎尺寸之兵差之於輕重
之觀有甚於輕重之判予業儒未效惟祖醫是習不揆所
學嘗集解王叔和脈訣矣嘗句解幼幼歌矣如八十一難
經乃越人授桑君之秘術尤非膚淺者所能測其秘隨句
箋解義不容磨敬以十先生補註爲宗祖言言有訓字字
有據必欲學醫君子口誦心惟以我之生觀彼之生自必
能回生起死矣何至有實實虛虛醫殺之譏吁醫有生人
之功如此豈不賢于兵刑之生殺哉時大宋咸淳五年歲
次己巳孟春臨川臨范子李駟子堃自序

黃帝八十一難經虛國秦越人所撰史記列傳曰扁鵲者
姓秦氏名越人楊雄所謂扁鵲虛人是也假設問答以釋
疑難之義凡八十一篇故謂之八十一難經醫經之興始
於黃帝故繫之黃帝焉以明其義皆有所受之而非私智
曲說也今世所傳雖有呂廣楊元操註釋皆淺陋闕畧而
又汨之以異端之說近代爲之註者率多蕪雜無足觀焉
是故難經奧旨闇而不彰醫者莫能資其說以施世也余
讀其書輒妄意古人言爲之義解又于終篇撮其大法合
以素問論而圖之而陽元操之註有害義理者指摘而詳
辯焉然後切脈之綱要粲然可觀醫者考之可以審是非
而闢邪說矣

傷寒論注解十卷

易馬金刊本

張仲景述 **王叔和撰次** **金**成無己注解

大前聖有作後必有繼而述之者則其教乃得著于世矣
醫之道源自炎黃以至神之妙始興經方繼而伊尹以元
聖之才長成湯液俾黎庶之疾疾咸遂獨除使萬代之生
靈普蒙拯濟後漢張仲景又廣湯液爲傷寒卒病論十數
卷然後醫方大備茲先聖後聖若合符節至晉太醫令王
叔和以仲景之書撰次成叙得爲完秩昔人以仲景方一
部爲衆方之祖蓋能繼述先聖之所作迄今千有餘年不
墜於地者又得王氏闡明之力也傷寒論十卷其言精而
奧其法簡而詳非寡聞淺見所能蹟究後雖有學者又各

白名家未見發明僕忝醫業自幼徂老耽味仲景之書五十餘年矣雖粗得其門而近升平堂然未入於室常爲之慨然昨天眷問西樓解后聊攝成公議論該博術業精通面又有家學注成傷寒十卷出以示僕其三百九十七法之內分析異同彰明隱奧調陳脈理區別陰陽使表裏以昭然俾汗下而灼見百一十二方之後通明名號之由彰顯藥性之主十劑輕重之攸分七精制用之斯見別氣味之所宜酌潤之所適又皆引內經旁牽衆說方法之辨莫不允當實前賢所未言後學所未識是得仲景之深意者也昔所謂慊然者今悉達其奧矣親覲其書誠難默然不揆荒蕪踴序其畧時皇統甲子歲中秋日洛陽嚴器之序

張仲景所著傷寒論聊擬成無已爲之註解言意簡詣援
引有據直本仲景之旨多所發明非醫家餘書傳釋比未
及刊行而戚君不幸去世此書間關流離積有歲年竟自
致于退翁先生若戚君之靈宛轉授手然退翁既愛重其
書且憤舊註之淺陋燕駸也遽欲大傳於世顧其力有所
不贍又不忍付非其人苟以利爲也每用鬱悒事與願違
俯仰逾紀近因感念慨然謂所知曰吾年逾從心後期難
必誠恐一旦不諱因循失墜使戚公之志湮沒不伸吾亦
抱恨泉壤矣遂斷意力爲之經營購募有所不避歲律迄
周功始克究疇是書之成也成君得所附託退翁私願獲
畢相與不朽矣此其所及屬予爲序歟不然則退翁情節

素著其筆耕餘地足樂終身豈以遲暮之年遑遑然爲庶人計哉退翁道號也姓王名鼎字大來詩筆之妙莫不推仰至於內行過人世未必盡知也大定壬辰重陽日承議郎行澠池令魏公衡序

古有言曰百病之急無急於傷寒傷寒之書莫出於仲景蓋仲景之書意深理奧非夫明經絡曉運氣達藥性於運氣之用者則莫得而擬議也如晉之王叔和止銓次而已唐之孫思邈亦間或引用而必欲尋其發明之意皆不可得矣又如宋謝復古之注則疑信未明朱奉議之集則簡略不備今者翻羅成無已先生注解內則明人之經絡外則合天之運氣中間說藥之性味深造運氣之用錯而綜

之以釋其疑山是仲景之意較然大著噫若先生早生於
世豈特使向之注集者閣筆抑亦使病者不致橫夭百數
年間可勝計哉今此書既已鏤板好事君子宜探其命工
刊行之本意焉無忽爲幸大定壬辰九月望日武安布衣
王緯序

此書乃前宋國醫成無己注解四十餘年方成所謂萬全
之書也後爲權貴挈居臨潢時已九十餘歲矣僕曩緣訪
尋舍弟親到臨潢寄迹鮑子駟大夫書房百有餘日日擊
公治病百無一失僕嘗求此書公云未經進不可傳既歸
又十七年一鄉人自臨潢遇恩放還首遺此書不覺驚歎
復自念平日守一小學於世無毫髮補欲力自刊行竟不

能就今則年逾從心晚景無多兼公別有明理論一編十
五年前已爲邢臺好事者鏤板流傳于世獨此書沉墮未
出僕是以日夜如負芒刺食息不遑遂於辛卯冬出謁故
人以干所費一出而就何其幸也或曰非子之幸世之幸
也醫者得以爲矜式好事君子得之亦可與醫家商畧使
病人不伏枕而愈乃此書駕說難索之功也於世豈小補
哉大定壬辰下元日冥飛退翁王鼎後序

黃帝三部鍼灸甲乙經十二卷

明初抄本

晉元晏先生皇甫謚集 後有熙寧二年四月二十三日
進呈奉聖旨鏤板施行一條後列富弼趙抃等銜名末有
題識云正統六年琴川永惠堂俞氏家藏

新刊王氏脈經十卷

卷之元刊本

朝散大夫守光祿卿直秘閣判登聞檢院
上護軍臣林億等類次 目錄後有天歷庚午歲廣勤葉
氏刊本記

林億等校定脈經序曰臣等承認典校古醫經方書所校
舊中脈經一部乃王叔和之所撰集也叔和西晉高平人
性度沈靖尤好著述博通經方精意診處洞識修養之道
其行事具唐甘伯宗名醫傳中臣等觀其書叙陰陽表裏
辨三部九候分人迎氣口神門條十二經二十四氣奇經
八脈以舉五臟六腑三焦四時之病若網在綱有條而不
紊使人占外以知內視死而別生爲主詳悉咸可按用其

文約其事詳者獨何哉蓋其爲書一本黃帝內經間有疎畧未盡處而又補以扁鵲仲景元化之法自餘奇怪異端不經之說一切不取不如是何以歷數千百年而傳用無毫髮之失乎又其大較以謂脉理精微其體難粹兼有數候俱見異病同脉之惑專之指下不可以盡隱伏而乃廣施形證虛實詳明聲色王相以此參伍決死生之分故得十全無一失之謬爲藥不疑然而自晉室東渡南北限隔天下多事於養生之書實未皇暇雖好事之家僅有傳者而承疑習非將喪道真非夫聖人曷爲釐正恭惟主上體大舜好生之德玩神禹叙極之文旌錫福之良心鑒慎疾之深意出是古書俾從新定臣等各殫所學博求衆本據

經爲經去取非私大抵世之傳授不一其別有三有以隋
巢元方時行病源爲第十卷者考其時而繆自破有以第
五分上下卷而撮諸篇之文別增篇目者推其本文而義
無取稽是二者均之未韻歟真各秘其所藏爾今則考以
素問九墟靈樞太素雜經甲乙仲景之書并千金方及異
證脈之篇以校之除去重複補其脫漏其篇第亦頗爲改
易使以庶相從仍舊爲一十卷總九十七篇施之於人俾
披卷者足以占外以知內視死而別生無待飲上池之水
矣臣等謹上

王叔和自序曰脈理精微其體難辨絃繁浮朮輾轉相類
在心易了指下難明謂泥爲伏則方治永乖以緩爲遲則

危殆立至況有微候俱見異病同脈者乎夫醫藥爲用性命所繫和劑至妙猶或加思仲景開審亦候形證一毫有疑則考校以求驗故傷寒有承氣之戒嘔噦發下焦之間而遺文違旨代寡能用舊經秘述奧而不售遂令末學昧於原本執茲偏見各逞己能致微疴成膏肓之變滯固絕振起之望良有以也今撰集岐伯以來逮于華陀經論要訣合爲十卷百病根原各以類例相從聲色證候靡不該備其王阮傳業吳葛呂張所傳異同咸悉載錄誠能留心研窮究其微顯則可以比蹤古賢代無天橫矣

天地以生物爲心故古之聖賢著書立論教人以醫而濟人之生也得其書而自秘者豈天地聖賢之心乎夫治病

莫重於明脉脉法無出於王氏脉經之爲精密□堂□□
不顧自秘先以針灸資生經梓行矣今復刻脉經與衆共
之庶以傳當世濟人之道其無負古人著書之意云時天
歷庚午仲夏建安葉日增誌於廣勤書堂

郡齋讀書志曰王叔和脉經十卷右晉王叔和撰按唐甘
宗伯名醫傳曰叔和西晉高平人性度沈靜博通經方精
意診治人好著述其書纂岐伯華佗等論脉要訣所成敘
陰陽表裏辨三部九候分人迎氣口神門條十二經二十
四氣奇經八脈五臟六腑三焦四時之病纖悉具備誠可
按用此九十七篇皇朝林億等校正

王懷隱等奉勅撰 原本一百卷今存眼齒兩類三卷

考數經書賈別改妄填一二等字原書卷第不可考矣

郡齋讀書志曰太平聖惠方一百卷右太宗皇帝在潛邸
日多著名方異術太平興國中內出親驗者千餘首乃詔
醫局各上家傳方書命王懷隱王祐鄭彥陳昭遇校正編
類各於篇首著其疾證溫化初書成御製序引

直齋書錄解題曰太平聖惠方一百卷太平興國七年詔
醫官使尚藥奉勅王懷隱等編集御製序文溫化三年書
成

聖濟經十卷

明月本卷七至十校補

徽宗御撰辟雍學生監武吳龍注 分十篇四十二章

荀子讀書志直齋書錄解題文淵閣書目俱著錄近則久
無傳本此本從明美堂書坊殘書中搜得之闕卷七至十
國士禮居藏有舊抄是本介何君夢華假錄四卷始爲完
書云

徽宗御製序曰一陰一陽之謂道偏陰偏陽之謂疾不明
乎道未有能己人之疾者陰陽相照相益相治四時相待
相生相殺五行更王更廢更相人生其間繇于陰陽復于
四時制于五行平陽爲福有餘則爲禍淫則爲疾惟非數
之所能覆而獨立於萬形之士非物之所能制而周行于
萬有之內爲能以道御時以神用數形全精復與天爲一
昔者黃帝氏蓋體神而明乎道者也問道於廣成見大塊

於其美而自親事於法宮之中垂衣裳作書契造甲子定
律歷所以成天下之聲靈者雖若風后力牧常先大鴻舉
令承教之不暇而不可跂及然且嚙世德之下衰憫斯民
之散朴上悼日月之明下鑠山川之精中墮四時之施至
於遂妄耗真曾不終其天年而中道以天遁詢岐伯作爲
內經通神明之德類萬物之情其言與典墳相爲表裏而
世莫得其傳至魏爲野者流北與謂易爲卜筮者何異朕
甚悼之自繼述以來兢兢業業夙夜不敢康萬機之餘紬
繹訪問務法上古探天人之頤原性命之理明營衛之情
濁究七八之盛衰辨逆順鑒盈虛爲書十篇凡四十二章
名之曰聖濟經使上士聞之意契而道存中士攷之自華

而接實可以養生可以立命可以躋一世之民於仁壽之域用廣黃帝氏之傳豈不美哉嗚呼陰淫寒疾陽淫熱疾風淫末疾雨淫腹疾陰陽之寇外傷其形有如此者意傷於憂悲而支廢魂傷於悲哀而筋攣魄傷於喜樂而皮槁志傷於恚怒而不能俛仰情傷之感內傷其真有如此者積勞成損積損成衰愚固多藏於細微而發於人之所忽益止於畎澮而損在于尾閭戒之慎之疾成而後藥神醫不可爲也若乃推行道術輔正而去邪立學建官羣多士而教養廩無告救病苦而殫其亡沒則布之政令載在有司此不復叙

郡齋誌書志曰龍製聖濟經十卷右徽宗皇帝所製也政

和八年五月十一日詔頒之天下學校九月二十四日大司成李邦彥等言乃者從侍臣之請令內外學校課試於聖濟經出題臣等竊謂今內經道德經既已選博士訓說乞更以聖濟經附二經兼講從之

重校證活人書十八卷

景寫宋刊本

臣朱肱撰 直齋書錄解題著錄十八卷與此本合郡齋讀書志及進表皆云二十卷未詳孰是

僕乙未秋以罪去國明年就領宮祠以歸過方城見同年范內翰云活人書詳矣比百問十倍然證與方分爲兩卷倉卒難檢耳及至濉陽又見王先生云活人書京師成都湖南福建兩瀕凡五處印行惜其不會校勘錯誤頗多遂

取繕本重爲參詳改一百餘處及并證與方爲一卷因命
工于杭州大監並鐫板作中字印行庶幾緩急易以檢閱
然方術之士能以此本游諸聚落悉爲改證使人讀誦廣
說流布不爲俗醫妄投藥餌其爲功德獲福無量政和八
年季夏朔奉郎提點洞霄宮朱肱重校

進活人書表曰臣聞鍾山非矯幽人躡屨於深林衡岳雖
遙志士獻書於北闕蓋行藏之有數非狂狷所能知

中謝

伏念臣出自鄙屋之微嘗奉大廷之對昔爲冗吏今作閑
人乃因三餘著成百問上稽伊尹湯液之論下述長沙經
絡之文詮次無差搜羅殆盡從微至著蓋不可加亘古及
今實未曾有載在簡冊圖之丹青思欲膠口而不傳大懼

利三百無益恐先朝露虛棄寸陰學古入官既無裨於國
論博施濟衆庶或廣於仁風伏惟皇帝陛下經緯之文出
自天縱紀綱之治成於日躋疆宇開拓於版圖弦歌洋溢
乎天下棲神內景屬意生民收拾人材片片善才長皆有
所用勤勞民隱雖沉疴垂老各安其居玉燭亘天以流離
朱草填延而委積湛恩滂沱溫詔丁寧致茲正國一介之
愚亦効涓埃萬分之助釐明大道敷奏彌文楊雄所懷以
賦章蔡澤沒齒而無憾重惟道途修阻巾笈護持未免客
嘲爲令鬼泣顧因果之有在茲俯仰而不慙慙合宸衷自
鑒輿議特羈縻於丹竈徒景仰乎公車謹遣男遺直賁臣
所撰書一函入策共二十卷躬詣檢院投進以聞委有觀

采伏乞宣付國子監印造頒行如臣學植淺陋違戾於經
卽乞委官參詳然後布之天下以福羣生臣無任干天冒
聖敬祈屏營之至政和元年正月一日奉議郎致仕臣朱
肱謹上

謹奏

謹啟

荆齋讀書志曰南陽活人書二十卷右皇朝朱肱撰序謂
張長沙傷寒論其言奧雅非精於經絡不能曉會頃因投
閒設其對尚補苴綴輯僅成卷軸作於己巳成於戊子計
九萬一千三百六十六字

直齋書錄解題曰南陽活人書十八卷荆奉郎直秘閣吳

其朱汝霖以撰以張仲景傷寒方論各以類聚爲之問答
本號無求子傷寒百問方有武夷張藏作序易此名仲景
南陽人而活人者本華陀語也肱秘丞臨之子中書舍人
辰之弟亦登進士科

傷寒九十論一卷

舊金本

白沙許叔微知可述 先列病證後論治法剖析頗精
是書諸家書目俱未著錄伏讀

欽定四庫全書總目云叔微書屬辭簡雅不諧於俗故明以來
不甚傳布是則因傳本稀少故藏書家俱未之見歟陳振
孫曰叔微有傷寒治法八十一篇未知卽此書否

類證增注傷寒百問歌問卷

元至大刊本

建甯府通守錢聞禮撰

案至元嘉禾志紹興三十年

梁克家榜有錢聞禮未知卽著是書者否前一卷爲傷寒解或論宋陳溪隱士湯尹才撰是書宋史藝文志文淵閣書目俱著錄分九十三類每類括以七言歌訣以便記誦注亦頗爲詳核

雜病有治法傷寒無定方蓋□□變於俄頃非他疾比也精是技者曠千載惟張長沙一人孫真人著千金探頤鉤微亦待於仲景法推廣之耳宋宣和間朱朝獻奉進活人書及歸中途猶有餘論以是見盡美盡善爲難也雖然業醫者心誠求之亦思過半矣神聖工巧則存乎其人湯氏錄公又作解熱論百問歌彙析條分使用藥者如執兵

捕寇明指其巢穴掃清之數君子之用心仁矣蓋朱公乃
長沙太守之忠臣錢倅又朱朝奉之忠臣也緊人之生六
氣不齊而七情汨之苟失其養則疾生焉世之醫者以數
君子之心爲心善用其書使含靈不至夭枉同躋壽域其
仁豈不博哉古肆刊書節畧舛訛藥方又闕繫最重者曹
君仲立曰擊斯敝取而精刻之惟恐是書誤人之披閱也
迹其存心又數君子之忠臣矣可不謂賢乎仲立冀人隨
其伯父遊宦江南撫其弟而教之不翅猶己子以慰其伯
父地下之靈此尤人之所難能蓋薰陶唐氏之遺風其所
淵深矣不賢而能如是乎予故樂書之且以敦薄俗云至
大己酉臘月圓日武夷詹清子子敬序

解惑論之作非務新奇而沽世譽也一本於仲景之正經
目仲景之書昔人以金匱名之其貴重如此無求子謂孫
思邈未能詳仲景之用心夫如是豈庸人粗工能窺其髣
髴哉愚因三餘將傷寒或兩證相近而用藥不同者或汗
下失度而辨證不明者冷厥熱厥之異宜陽毒陰毒之異
候其間錯綜互見未易槩舉輒修舉而別白之庶幾洞曉
亦足以見解惑之深意焉乾道癸未中秋日龍溪隱士湯
尹才謹序

張仲景著治傷寒一書極爲詳備議論精審處方至當
後之醫家據是說以治療萬不失一華陀謂此書可以活
人信不誣矣噫今之世所庸醫不究古聖賢所論陰陽虛

實治狀不明脉理不識病證以意測度妄投湯劑殺人者
多矣得此論一儒者潛心醫術自仲景以下集諸家之
善表而出之名曰解惑論俾醫者不失於謬誤病者不至
於橫夭其傷寒治法之要妙又盡善矣余惜是書世所未
見故錄本川廣其傳此論豈止解惑乃治傷寒之指南也
清熙壬寅孟夏望日韓玉書

醫學啟源三卷

抄本

從吳門黃氏藏本傳錄

金易水潔古老人張元素著 元素有病機氣宜保命集
傳本較多是書白敏求記外無著錄者金吾編輯金文因
是書有聞泉張建一序購訪十餘年不獲甲中春讀士禮
居書目見有是書亟假歸錄副爲狂喜者累日

先生張元素溫古易水人也八歲試經童二十七經義登科犯章廟諱出落於是怠仕進遂潛心於醫學二十餘年雖記誦廣博然治人之術不出時右其夜夢人持柯斧長懸懸心間竅納書數卷於其中見其題曰內經主治備要駭然驚悟覺心痛以爲凶事也不敢語人自是心目洞徹便爲傳道軒岐指揮秦越也河間劉守真醫名貫世視之蔑如也與日守真病傷寒八日無下證頭疼脈緊嘔逆不食門人侍病未知所爲請潔古診之至則守真面壁不顧也潔古曰視我直如此卑也診其脈喻之曰脈病乃爾是利下某藥犯某藥味平曰然潔古曰差之甚也守真遽然起曰何謂也潔古曰某藥味寒下降走太陰陽亡汗不散

也今脉云云當以某藥治之守真懇首大服其能一服而愈自是名滿天下潔古治病不用古方但云古方新病恐不相宜反以害人每自從病取方刻期見效藥下如投當時目之曰神醫暇日緝集素問五運六氣內經治要本草藥性名曰醫學啟源以教門生 有醫方三十卷傳於世王辰遺生不存所有者惟醫學啟源其定李明之門下高弟也請予爲序故書之蘭泉老人張建吉甫序

新刊惠民御藥院方二十卷 元至元刊本

御藥院編集 案太醫一官歷代分隸門下殿中諸省及太常寺宣徽院元始別爲一署無所隸屬又別置御藥院掌受各路進獻藥品修造湯煎等事高鳴序曰提點太

醫藥祿許公暨二三僚友取御藥院壬寅所刊方書板正其訛補其闕求其遺亡而附益之王寅爲蒙古太宗皇后尼瑪察氏稱制二年宋理宗淳祐二年也越二十五年至元丁卯而許公爲之增補重刊分十七門凡一千七十二方卷五榴榔圓下注泰和五年御直馮元童傳奉聖旨降到檳榔丸方一道便交合者卷七半夏利膈圓下注崇慶元年改作檳榔利膈圓卷九兩妙圓下注大安三年本院劉仲珏改用姜湯送下卷十酸棗仁煎下注興定五年權直長張古以藥稠難漉添酒半升卷十六載明昌貞祐間醫驗二事若是則此書蓋金源舊本而遞有增益者虞伯生承天仁惠局藥方序稱採取和劑局方御藥院方冀致

君產育寶慶方序稱掇取御藥院雜病方是北書在元代
流布必廣有明以來傳本漸稀故自文淵閣書目外儲藏
家絕無著錄者此本尙是至元舊槧首尾完善洵醫書中
不易觀之秘籍也

聖朝以三代相生養之道域民於仁壽唯血氣之屬不能
無病又立醫師掌醫之政令如周制而加詳焉醫之術固
深大概已效之方爲前人所寶藏者尤爲難得太醫提點
榮祿許公概二三僚友取御藥院王寅所刊方書板正其
訛補其缺求其遺亡而附益之將宏肆流傳俾人人如在
良醫左右余嘉其用心從而敘述之自仲景傷寒論論證
處方之後後世以方爲書者無慮數百家至御藥院號稱

大備蓋哀集諸家之善而增損持擇雖湯液齊和昭然無
纖芥時件殆與黃帝內外經扁鵲八十一難相表裏其功
用豈淺淺哉雲起太山膚寸而合不崇朝而徧雨乎天下
格勗君子請以是觀之至元丁卯八月九日翰林直學士
河東高鳴序

鍼灸圖書八卷 易馬元刊本

■建安寶桂芳編 文淵閣書目著錄凡四種一曰流注
指微鍼賦金南唐何若愚撰集常山閻明廣注若愚明廣
仕履俱未詳案序云近有南唐何公撰指微論又云近於
貞元癸酉收何公所作指微鍼賦貞元癸酉金海陵王貞
元元年也則若愚明廣俱金人可知賦後即附明廣子午

流注鍼經合三卷一曰鍼經指南一卷金寶傑撰傑字漢
卿肥鄉人宋金時有兩寶漢卿同時同名而字而且同以
醫顯金之漢卿仕至太師卽撰鍼經指南者宋之漢卿隱
居不仕卽寶桂芳之父也一曰黃帝明堂灸經凡三卷一
曰灸膏肓腧穴法一卷宋清源莊綽季裕撰宋史藝文志
著錄合四種爲鍼灸四書凡八卷桂芳序後有皇慶壬子
中元燕山活濟堂刊本記

鍼灸有却病之功其言信矣鍼必明其孔穴灸必定其尺
寸孔穴明尺寸定則膏之上育之下何患乎厥疾之弗瘳
歟在昔孫公真人有曰爲醫知藥而不知鍼知鍼而不知
灸不足以爲上醫必也藥與鍼灸三者俱通始可與言醫

已矣余先君漢卿公以藥與艾見重於士大夫如雨嵒吳
憲與以借補憲司官醫助教之職達齋游憲親爲書其藥
室曰活濟堂至元丙子以來余挾艾術遊江淮得遇至人
授以鍼法且以子午流注鍼經寶漢卿鍼經指南三書見
遺拜而受之珍藏玩味大有進益且喜其姓字醫術與先
君同也因是作而言曰南北有二漢卿姓同字同而爲醫
亦異也北之漢卿得時行道鍼法精於八穴以愈疾名顯
於世官至太師南之漢卿隱居求志惟以藥與艾推而廣
活人濟世之陰功由是觀之則信矣南北氣質之不同而
達則爲相不達則爲醫亦其志之出處異矣今將面授鍼
法已驗指南之書牛提舉所刊寶漢卿鍼經二本參究訂

誤補遺與子午流注鍼經及家世所藏清帝明堂灸經莊
季裕所集灸膏肓穴法四者之書三復校正一新板行目
是書曰鍼灸四書樂與四方醫士共寶之凡我同志留心
是書則藥與鍼灸三者並通庶可進而爲上醫之士亦可
無負於孫真人之垂訓歟謹書以紀此書之本末云至大
辛亥建安後學靜齋賈桂芳序

清注指微鍼賦序曰竊以幼習醫業好讀難素辭理精微
妙門隱奧古今所難而不易也是以針刺之理尤爲難解
是以博而寡要勞而少功窮而通之積有萬端之廣近世
指病真刺不務法者多矣近有南唐何公務法上古撰指
微論三卷探經絡之原顧針刺之理明營衛之清濁別孔

穴之部分然未廣傳於世又近於貞元癸酉年間收何公所作指微鍼灸一通叙其首云皆按指微論中之妙理先賢聖書之樞機復增多事凡一百餘門悉便於討閱者也非得難素不傳之妙孰能至此哉廣不度荒拙隨其意韻輒伸短說探撫羣經爲之注解廣今復採難素遺文賈氏并榮六十首法布經絡往還附針刺孔穴部分鈐括圖形集成一義目之曰流注經絡并榮圖歌訣續於賦後非顯不肖之狂進故明何氏之用心致念於人也自慮未備其善更俟明智而惡續焉常山問明廣序

無名氏鍼經指南序曰夫醫者以愈疾爲良其愈疾之理若妙乎鍼故知鍼者有決病之功立効之能且夫學鍼之

士宜審有刺之莫縱巨膽妄爲施設非徒無益而又害之
要在定孔穴以精於心是以取神功而應於手信知除疴
見於目下決病在於手中是以軒岐開端越人知要素問
隱其奧難經彰其妙況爲鍼者豈曰小術之哉謹題

鍼經指南序曰人受陰陽以生足一歲之日有三百六十
腧節亦分三百六十有五穴象周天之度也若稽古神聖
成天之功立民之命爰作鍼法鍼某穴療某病手得之心
應之非天下之至神孰能與於此盧扁尙無此法罕傳余
先人心友賢先生以鍼法活人甚多嘗著八穴真經演之
爲論爲贊鉤深索隱披洩元蘊後學之士得此一卷口而
熟讀之者思過半矣余於壬辰冬被旨來南遍歷閩中諸

郡求其所謂鍼法者皆不獲舊篋中得先生之遺書敬用
錢梓以廣其傳先生名傑字漢卿古洛肥鄉人官至太師
以醫學傳於世云時貞元元年歲次乙未夏月成和郎福
建等處官醫提舉燕山朱良能致之序

寶歷流注指要跋後序曰望間問切推明得病之源補瀉
迎隨揭示用鍼之要予於是學自古迄今雖常覃思以研
精竟未鈞元而索隱微經傳之暇日承外舅之訓言亡了
世紛續羅兵擾其人也神無依而心無定或病之悟必奪
而氣必衰兼方國以亂而隔殊藥物絕商而郡得訪歷市
而求方效不若死力排疾勢既已受教遂斂求師前後僅
十七年無一二真箇輩後避屯於蔡邑方獲訣於李君

名源

巨斯人以鍼道救疾也除疼痛於目前愈瘵疾於指下信所謂伏如橫弩應若發機萬舉萬全百發百中者也加以好生之念素無竊利之心嘗謂予曰天寶不付於非仁聖道須傳於賢者僕不揆遂伸有求之懇獲垂無吝之教授疾之所秘者四十有三療疾而弗廖者萬千無一遂銘諸心而著之醫籍拯其困而扶其危而後除疼迅速若手帖破結滄桑如冰釋夫鍼者也果矣哉然念茲灾命以或忘借其聲律則易記輕裁八韻賦就一編詎敢匿於已私庶其傳於同志最次壬辰重九前二日題

無名氏明堂灸經序曰夫元黃始判上下爰分中和之氣爲人萬物之間最貴莫不稟陰陽氣度作天地英靈頭象

足履厚載五臟法之五岳九竅以布九州四肢分彼
四時六時配乎六律時視同於日月呼吸猶若風雲氣血
以類江河毛髮比之草木雖繼體於父母悉取象於乾坤
貴且若斯命豈輕也是以立身之道濟物居先保壽之宜
治病爲要草口有木病之力鍼灸有規病之功欲濟邪口
信然益矣夫明堂者聖人之遺教黃帝之正經汜血脉循
環則氣易合寡窮流注之元妙辨穴道之根源爲臟腑權
衡作經絡津要今則採其精粹去彼煩蕪皆目經有憑手
經奇效書有源以知主療國人形貴免參差并集小兒明
堂編類於次庶幾長幼盡涉安衛欲俾華夷同瞻壽域云

灸膏肓腧穴法序曰口自許昌還。在狄之難。憂勞艱危。衝
冒寒暑。避地東下。丁未八月。抵涓濱。感疾。瘧既至。琴川爲
醫。妄治。營衛耗。明年春末。尙苦。附腫脹。腹氣促。不能食。
而大便利。身重足痿。杖而後起。得陳了翁家專爲灸膏肓。
俞自丁亥至癸巳。積三百壯。灸之次日。卽覺中氣平。腫脹
俱損。利止而食進。甲午己能肩輿出謁。後再報之。仍得百
壯。自是疾證浸減。以至康甯。時親舊間見此。殊切灸者數
人。宿疴昔除。孫真人謂若能用心方便。求得其穴而灸之。
無疾不愈。信不虛也。因考醫經同異。參以諸家之說。及所
親試自量。寸以至補養之法。分爲十篇。并繪身指屈伸坐
立之像。圖於逐口口後。令覽之者易解。而無徒寃之失。亦

使眞人口穴濟□□仁益廣於天下也建炎二年二月十二日朝奉郎前□□都總管同幹公事賜緋魚袋莊綽記衛生寶鑑二十四卷補遺一卷 明永樂月本

羅天益撰 天益字謙甫蘄城人謙甫受業東垣蓋升其堂而入其室者是書探撫李氏精確之論益以諸家之說而以己意舉括之實爲醫家主要書之卷一至三曰藥誤永鑑卷四至二十曰名方類集卷二十一曰藥源法象卷二十二至二十四曰醫驗紀述後附補遺一卷述外感傷寒等證羅氏重刊并增葺者文淵閣書目焦氏經籍志傳是樓書目俱著錄

太醫羅先生學於東垣李君源流於易水張君其道大行

夫二君之傳久而泯沒也集錄餘次而刻之梓者非一
人矣取目攝成書四帙見示而曰且將板行一序毋吝繕
而賜之曰藥誤永鑑者知前車之覆恐後人蹈之也曰名
方彙集者古今之方擇之已精詳而錄之使後人有所據
依也曰藥類法象者氣味厚薄各有所用證治增損微後
人信之也曰醫驗紀述者遇如是病用如是藥獲如是效
使後人慎之也大抵皆仁者之用心抑論之天下之事辨
之不明固有似是而非利於此而害於彼者況醫之爲道
際陽虛實千狀萬狀神聖工巧存乎其人合則者而一之
各曰衛生寶鑑夫道之本明其應物也無心乎妍醜而妍
醜自得是書者誠能習而讀之玩而味之了然於心

而無疑一旦臨用如鑑之虛明物來而應若妍若醜無纖毫之差其用豈不博哉不然未用時置之高閣倉卒間但備檢閱始有辨之不明似是而非其所失不啻霄壤詩云伐柯伐柯其則不遠執柯以伐柯晚而視之猶以爲遠殆非先生垂示後人之意也至元辛巳冬至日鄖城硯堅題於卷首

夫醫與造化參學之精者爲難至著書垂訓冀後世必然之用者爲尤難竊方謙甫東垣先生之高弟嘗謂予言初受教時下里黃先生曰汝將爲爲人之學歟問道之士乎謙曰愚人不敏幸蒙先生與教埋之深指乃所願也故十數年不敢懈怠若親炙不少輟其積力久盡傳其私淑

不傳之妙大抵人之疾疾不外乎陰陽變徵我能參兩間
會一身推窮其所受根源方爲可爾用是以所得日用之
間如敵在目中然後審藥爲攻未嘗不如吾之所必取也
因集爲一書題曰衛生寶鑑曰辨誤者證世之差謬明其
理之所自也曰擇方者別夫藥之精粗寒暑以酌其疾證
之宜否也曰紀驗者述其已之治療與彼之深淺見其功
效之實也僕平昔所得者如是吾子其爲我序之余聞醫
之爲學古聖賢致知格物之一端也軒岐以來難素靈樞
等書累千萬言自非以醫爲任者孰克而究之若羅君者
可謂以醫爲任而究其理之所自歟昔王彥伯醫聲既著
列三四竈煮藥於庭老幼塞門來請彥伯曰熱者飲此寒

者飲此風者氣者各飲此初不計其圖謝今羅君亦以道
心濟世復能著書垂後冀必然之用其仁心普濟當以彥
伯同流其誰曰不然故樂爲題其端云至元癸未清明日
中議大夫治書侍御史汲郡王惲序

天益上東垣先生啟曰切以射不師於后羿豈能成蹕日
之功臣非習於公輸未易聳連雲之構惟此醫藥之大關
乎性命之深苦非擇善以從之烏得過人之遠矣茲者復
遇先生聰明夙賦穎悟生資言天者必有驗於人論病者
則以及於國經馳藥物如孫吳之用兵條派病源若神禹
之行水是以問病而證莫不識投藥而疾靡不廖有元化
滌胃之神功得虛扁起人之手段猶且謙以接物莫不忠

胡廣序

楊榮序

同上。

金幼孜序 同上

蔣用文序 同上

韓夷重刊跋 同上

無名氏補遺序曰羅謙甫先生衛生寶鑑一書分門別類
悉具備惟治傷寒之法雖紀述一二而不全錄蓋以其
一門理起幽深未易殫舉况其元機妙旨已備於仲景以
下歷代名醫書中先生之意欲使可醫者究心尋繹庶得
其與今猶恐遐方僻壤臨病倉卒醫者欲求全書檢閱豈
可得乎故粗述仲景諸公治內傷外感經驗方并中書方
附刊卷末名曰補遺庶免鹵莽滅裂之輩妄投七劑誤傷
於人耳若欲究其極致則仲景治外感三百九十七法一

百一十三方東垣治內傷初中末三法及歷代名醫方論
具有全書誠能刻意推求以施治療而全人生亦仁者之
用心也茲不能盡述云

活幼心書決證詩賦三卷

元至元刊本

〔元〕後學會世榮編次 世榮字德顯一字育溪衛州人德
顯業醫三十年古今醫書讀之殆遍取其平日閱證用藥
之已效者著爲方論纂爲詩歌名之曰活幼心書上卷曰
決證詩賦凡七絕七十四篇賦一篇中卷曰問本論自胎
寒至小兒常安凡四十二論又拾遺八則下卷曰信效方
分子卷四曰湯散門曰圓膏門曰丹飲門曰金餅門門各
一卷又拾遺十四方古今言幼科者是書其津梁歟文淵

閱書目焦氏經籍志俱著錄錢氏補元史藝文志云二卷
蓋未見是本也

醫家惟小兒科爲尤難蓋自其能言而被病者猶可以問
而知之而其未能言者不可知不可知也史言扁鵲入咸
陽爲小兒醫然鵲之書多不傳其言有曰望而知之謂之
神聞而知之謂之聖鵲之術固不在於書歟信斯言也惟
鵲爲可也夫醫不可以無書也太倉公乃亦以醫者意耳
不肯爲書使倉公者常有於世焉雖無書可也如倉公之
不常有何哉且吾聞學習者與學儒無異儒者求聖賢之
心法以有聖賢之書存焉耳醫無其書則軒岐之心法泯
焉而不傳久矣又何必而學之故醫書之浩衍與儒書相

埒殆又過之然板行於天下人得而有之者往往大方脈
之濟爲多彼爲小兒者每以專科自名或私得一方卽祖
子孫相傳世享其利它人萬金不願授也其肯與天下後
世公共之哉育溪曾君用儒攻醫得戴劉二家之傳自少
至老凡活人之幼者枚數不知幾何人在證處方皆超然
衆醫之表乃以得之師傳者廣粹精覈爲活幼心書一編
旣成不以私其家將以公之天下後世使爲其術者無學
醫廢人之患凡人之書皆有成人之望焉厚哉育溪之用
心也人孰無此心哉昔能以育溪之心爲心則善矣雖然
書本陳言心須活法或徒泥其書而不善用譬之兵家不
知合變膠柱而調琴焉吾未見其可也昔臨安李立之者

以小兒科擅名一時有嬰兒忽病瘡求治之立之令人乘
高撲之地下以一衿盛之兒不覺大驚遂發聲能言問之
曰此何瘡心也非藥所能療此活法之說也因附著之泰
定丁卯閏九月朔中議大夫前同知海北海南道宣慰使
司事副都元帥和尼赤序

育溪曾德顯儒家者流明小方脉幼幼之心不啻父母仁
人之用心也余家有稚穉童子感驚風疾居父母者咸憂
焉德顯乃不憚煩暑隨招隨至一視之曰毋慮遂用對證
之藥療之藥未既而效已隨之誠可嘉尚原其平昔用心
之勤集諸方書之經驗者著以成帙目之曰活幼心書夫
心者虛靈善應神妙不測主宰一身應酬萬事者也推廣

此心以及人及物使顛連無告者爲同胞癢疴疾痛者爲
同體乃刻諸梓以廣其傳非爲傳之余亦且傳諸後俾後
人亦能推此心以及人及物則活幼之心爲無窮也豈曰
小補哉天歷己巳八月廿又一日朝散大夫同知衢州路
總管府事廉公亮引

人得天地生物之心以爲心則當視天地萬物爲一體癢
疴疾痛舉切吾身仁者事也先儒謂醫家以手足癢痺爲
不仁斯言善在仁字蓋手足痺則氣脉不相通痛癢無所
覺心之生道息矣烏得仁况醫家之於嬰孩語言未足辨
脈理未足憑必能以心體之然後可以察其癢痛疴疾之
所在非志於仁者其能若是乎烝西曾君德顯儒而爲醫

幼從鄉先生李月山固已得儒學於心稍長從世醫劉氏
又能得醫學於心傳精讀醫經詳味藥性參前輩之奧議
伸自己之獨見有求必應不倦于貧集其平時論證與方
名曰活幼心書將與同志共之夫作書以述其心之所用
而且克廣其傳亦庶乎仁者之用心矣嘗觀其書則審證
施劑信有異乎人者五苓散在諸家正用之解傷寒溫濕
暑毒霍亂而德顯於驚風痰搐瘡疹等疾通四時而用之
前因知衡州府事胡省齋因其子驚風得愈問之曰五苓
散何以愈斯疾乎德顯曰此劑內用茯苓可以安此心之
神用澤瀉導小便小腸利而心氣通木得桂而枯足能抑
肝之氣而風自止所以能療驚風施之他證亦皆有說省

齋深然之此其善用五苓散也小兒驚風搐制醫者視爲一病輒以金石腦麝蜈蚣蝎等劑投之非徒無益反激他證德顯則謂有因驚風而搐者有因氣鬱而搐者驚屬心風屬肝而發於氣者亦有搐陳氏所謂蓄氣而成搐者是也但未著其方余於驚風則隨證施治若氣鬱而搐者則用寬氣飲治之只以枳殼枳實爲主嘗聞愚搐者倉卒求藥教服鉤家枳殼散而搐亦止病者深感之凡又治搐之特見也其他繁證俱能究心用藥之奇盛效之速有未易縷述者寄寓予家將十年二孫藉其詞護每識證於微眇制疾於萌芽其用心之溥非特於吾輩爲然蓋其篤志於仁重義輕利亦自讀書中來非可以庸俗例視也讀其

方論因叙數語於篇端識者儻察予言必有知其用心者
元貞乙未上巳日前太學篤信齋進士吳剛中謹書

吾鄉方山李先生博極羣書操行修潔最謹於義利界恨
媚學之子朝朝從之其誨諸生也不止於詞藝而已必勉
以正心修身俾之有士君子之行德顯會君從游者之一
也居無何舉屋之學廢於是以業儒者而業醫焉昔賢達
以濟人良醫窮則顯爲良醫其心均在濟人耳醫豈細事
哉而幼幼之醫尤不易也蓋氣色微筋骨脆癢疴疾病不
可置而知他人止於面色指紋之間揣摩投劑德顯則切
脈先之儻證陽而脈陰證陰而脈陽必治脈不治證精思
詳究探本索原藥餌所施百不失一未嘗以病家之貴賤

貧富而異用其心或遇窘乏太甚之家亦隨力捐貲濟其
匱乏故全活者衆德顯非饒於財者能推是心亦賢矣
哉業醫三十年古今醫書讀之不輟今取其平日閱證用
藥之已効者著爲方論纂爲詩歌名之曰活心書是心
也恒心也惻隱之心也心誠求之之心也對越天地神明
而無愧矣且欲鈇梓以爲海內共之用心廣大可敬也夫
余嘗觀趙德麟侯鯖錄有人得癰疽方甚奇寶而不傳後
爲虎所食非天譴歟德顯心事若茲天必福之以誘世人
之善用其心矣德顯銜之烝西人號育溪名世榮德顯其
字也丁未中秋邵清遺老七十翁羅宗之巨海甫謹序
聞之先儒曰天向一中分造化人於心上起經綸大哉心

乎其萬事之後括乎前乎千百世而上爲天地立心生民
立命者此心也後乎千百載而下爲往聖繼絕學來者續
師傳亦此心也是心也以之活幼則有惻隱之真所謂乍
見孺子將入於井皆有怵惕惻隱者無非自此心中來宋
翰林侍御世醫戴克臣者徽宗朝名素道活幼家師也取信當時
有聲朝野心以傳心得其妙者惟丞西高原劉茂先名祝自號
國第茂先之心其五世孫字直甫者名思又深得之於其
所得隨施輒効亦可以見其用心矣然昔賢之學固以心
而傳而昔賢之心非書又無以衍其傳況自開慶以來其
有散漫遺劉二公之心傳業不復見予生二公之後而無
默契乎二公之心蚤敬師事直甫於蘇有年面命心傳領

會多矣但念一宗醫書方論詩訣歲月淺遠卷帙不齊設有危難未易檢閱吁得其心者敢不究其心哉明窗晝熏短檠夜雨因就其遺書而稍加編次繁者刪之缺者補之書非可用不敢錄方非已効不敢收脫亡遺漏存十一於千百上探三皇前哲之遺意下探克臣茂先之用心實則吾心固有之理旁求當代明醫之法亦姑爲活幼一助云耳遂名其書曰活幼心書書成客或難予曰醫者意也但觀形切脈以意逆志是爲得之何必一切求法書而且以心誓命之哉予曰不然予非有心於著述而求異於人也不過推廣劉氏數傳之貞心以求契夫戴氏之初心耳朱文公有言意者心之所發也書之所述豈非心之流行發

見者乎客唯而退於是乎書至元甲午菊節衡陽後學會
世榮德顯識

理竹堂經驗方十五卷

明刊本

薩里彌實撰 前有王都中序從 文淵閣傳抄本補
錄後有重刊經驗方序缺末頁撰人及刊刻年月俱缺序
云侍御尙賢曰公按蜀重其神驗出示鄭方伯志道方伯
刻留藩省云云按四川通志天順時有巡按御史田斌景
泰時有布政使鄭甯當卽序所稱田鄭二公則是本殆天
順時所刊歟分十五門曰諸風曰心氣痛曰小腸疝氣曰
積滯曰痰飲曰喘嗽曰萎補曰瀉痢曰頭面口眼耳鼻曰
髮齒曰咽喉曰雜治曰瘡癰曰婦人曰小兒凡十五門門

一卷 四庫全書著錄五卷蓋從永樂大典錄出重編者
此則原書足本也

袁子誦范文正公良相良醫之言未嘗不歛衽嘉歎何則
良相輔弼元首治天下興利除害選賢任能使人樂其業
而吾仁之見諸事者足以澤被四方良醫導和人身療百
病脫疴起痼幹元色而開壽域使人安其生而吾仁之蘊
諸心者亦足以波及萬姓蓋出處之轍雖異而吾仁之用
則同君子不可斯須而忘吾仁則吾仁之在天下亦不可
勝用矣謙齋先生沙公志文正之所志學文正之所學輕
車埋輪績文直指所至攜奸貪之膽拯生民之命由柏垣
而登薇府一以是心民以是厚今爲建昌守也殆將小試

冀黃事爲異日姚宋張本良相之効豈不著哉然公猶以爲未盡乃退而考訂名醫方書常經驗者分門別類爲一十五卷鈐梓郡庠因目其書曰瑞竹堂經驗方以惠斯世
臆如公之仁可謂至矣予故序諸篇端欲人人之誦此書者不惟知公之心良於醫又當知公之志良於相二者皆自公仁心一點中出王都中序

重刊經驗方序

卷四

吳澄序曰人有恒言看方三年無病可治治病三年無藥可療斯言何謂也謂病之有方不難而方之有驗爲難也
盱江郡侯歷仕風憲民社愛人一念隨寓而見有仁心有仁聞人之被其惠澤者奚翅百千萬而蒞官餘暇猶注意

於醫藥方書之事每思究病之所由起審藥之所宜用或
王公貴人之家或隱逸高人之手所授異方率相劑三因
易簡等書之所未載遇有得必謹藏之遇有疾必謹試之
屢試屢驗積久彌富守疇之日進一二醫流相與訂正題
曰瑞竹堂經驗方爰鈔諸木以博其施一皆愛人之仁所
寓也既仁之以善政復仁之以善藥就有能如侯之仁者
哉噫世之醫方甚繁用之輒效者蓋鮮今之所輯悉已經
驗則非其他方書所可同也侯名薩德彌實瑞竹堂者往
時侯植竹爲樊竹再生根遂生枝葉人以爲瑞而侯以扁
其堂云 吳文正公集

瑞竹堂經驗方殘本五卷

元月本

陸里彌寶撰 原十五卷今存卷四至卷八五卷

類編南北經驗醫方大成十卷 元刊本

文江孫元賢編纂

醫方集成一書四方尚之久矣蓋所謂濟生拔粹宣明論
瑞竹堂張子和徐同知計方尤爲切要所不可遺本堂今
得名醫選取奇方增入孫氏方中俾得通貫名曰醫方大
成重新繕梓以廣其傳合衆流而歸一源使覽者便之不
必求之他書可也問醫之士幸共鑒之

愛日精廬藏書志卷二十三

子部

天文算法類

新儀象法要三卷

影寫宋刊本

宋蘇頌撰

末有乾道壬辰九月九日吳興施元之刻本

於三衛坐嘯齋兩行

銅壺漏箭制度一卷

抄本

從吳門黃氏藏舊抄本影寫

宋紹興初韓仲通守明州造蓮花刻漏簽

判許堯昌爲撰記銘瀟祐時郡守顏頤仲刻之文淵閣書

目著錄

夫更漏箭壺高三尺徑一尺重四鈞其內別爲銅浮蓮

以泛箭闊七寸高三寸重三十兩壺面盤徑一尺三寸

八斤捧箭仙人重八斤床二十五兩前雀右虎各二斤

二斤二兩後龜一斤七兩皆銅爲之仙人

坐盤中環以四

手捧小盤箭穿其中隨水之積以生

時刻箭長三尺六寸

徑四分面各爲二十五刻晝夜四

易而百刻同每時出盤心卽朱雀吐朱繫下銅盤以警守者盤連牽重四十三兩壺之前有盆深一尺徑二尺五寸重二百斤以貯乾坤艮巽四時易箭之退水壺下有臺高七寸面徑一尺三寸重三鈞以承壺使鼃首吐水而登於盆箭揔二十五枝每氣用上下二箭二至各用一箭而始終之揔太史四十八箭之法也鼃負荷承下斛渴烏之水

注壺中渴烏長一尺八寸水竅容一中芥子斛方一尺五寸深一尺二寸重七鈞傍臨脊一寸作螭首爲減水之穴承以小斗斗長廣皆一尺重一百斤使斛水常平而均渴烏之水勢下斛之上木爲蓋又植一銅荷承上櫃渴烏之水烏竅稍大而長加二寸櫃長二尺深廣如下斛重二百八十斤櫃斛斗盆座皆治鐵爲之櫃斛之下爲暗道置火以休漏布幕櫃上以濾水新舊相半否則小差遲速

龍眠李伯詩序

今四方無遠近知有四明刻漏者以王金陵之銘也

南渡煨于兵火遺跡餘墨無所于考惟蓮花漏者 紹興末郡侯韓公仲通之新製也壺表具存銘識如故而挈壺

無職則器之垢弊水之塵腐箭之遲速甯無毫釐分寸之差是舉一州之耳目視聽于一日四時之間昔爲守者誤之也余懼焉一日取籌箭試加測驗則昏明之候不啻差一中朔于是洗滌其器易小之中而一新之池壺不移而晨昏以正大小與居之節風雨晦明之候俾皆于是取則而無爽焉仍擇其稍通於歷者謹視以時使有常職庶乎亦足以盡吾之心爾又慮承襲之久易至外異乃取李龍眠刻漏之製併王之銘韓之刻並鍍于梓後之知爲政者當於此有考云淳祐丁未授衣節日郡守龍溪顏頤仲書於進思堂

劉孫逢古撰

文淵閣書目著錄

昔挈壺氏之制壺漏也有四其一曰天池其二曰平水三日受水四曰減水規模宏大惟可施之官府若夫燕居則煩矣近時雖有異製多是不準蓋推測不得其法故也只知百刻平分殊不究水之昇降方其滿則速淺則遲差舛由此逢吉以心法創茲小壺因水之淺滿昇降推測上契天運昏曉相符晝參日景夜應中星晷無頃刻之差尤且水之去來不露內可施之堂與外可帶之舟車至於夙夜在公優游燕處皆可置之坐隅備知時刻之正最便宜士大夫出入起居之用豈云小補哉箭分兩面白卯至酉爲晝白酉至卯爲夜下卯西之餘刻以備晝夜長短之候裝

水之法遇早以濾水篩搭於壺口以新水和舊水濾入壺中但取接此時刻晝際晚亦如之或過日出更以景輪圭格印證其端的無分毫爽器不洗濯則埃壒不除水不篩濾則塵垢成積或有滯澀當以猪髮透之此荆公明州刻銘漏所謂匪器則弊人存政舉者也凡晝夜百刻節序短長日出爲晝日入爲夜發更皆在日入二刻半後攢點皆在日出二刻半前分界定數二十有五箭逆數用之陽依日歷一箭順數用之夏至後白二十五箭逆數用之陽依日歷參照節候今序分晝夜更點昏曉之度圖述於後惟此小壺準的隨水校定功在一竅無孔竅微細僅通絲髮惟要澄濾水清略無塵滓不滯水道爲佳上壺水滿則疾流注

如線水至半壺漸遲將滴至下水淺其滴尤慢蓋水有重輕治有遲疾不可視之常流或有垢滯只可用猪髮穿透切不可用竹木與鐵動及竅眼纔畧有分毫侵損便成廢器切宜慎之如遇收拾須管拭抹乾淨常以猪髮穿透底壺塞塞之弊也事宜畢備用贊古嚴華齋孫逢古叙

大宋寶鼎四年丙辰歲會天萬年具注歷一卷

抄本

國朝執禮等算造具注頒行 前列是歲節氣時刻每月

每日下具注吉星凶星宜某事及人神在某處等類與今

時憲書大畧相同至所謂辟卦

大壯乾遯否觀剝坤復

公卦

解革小畜咸履

獨資困大 侯卦

需豫旅大有鼎恒

卿卦

晉豐比井渙同人

中孚升 大夫卦

謙蒙節大過人節節

則漢焦贛分卦值日之法

也


太史局先準中書省劄子奉聖旨二十四氣氣應時令印
造具單批與歷日司連粘頒賜施行今據換授保障正充
同知算造譚玉等依會天歷推算到丙辰歲氣節加時辰
刻頒賜具如後

右宋寶祐四年會天歷保障正荆執禮譚玉靈臺郎楊旂
相師堯判太史局提點歷書鄧宗文等算造具牒頒行是
歲在丙辰元月立春田家諺所云百年罕遇者也按會天
歷初名顯天宮祐十二年太府寺丞張湜秘書省檢閱林
光世同師堯玉等造算器見於宋史律歷志既而寶祐改
元定名曰會天於是尤學士情被命作序原授時之典歲

續歷於萬國鑄板印行莫可數計然歲既更無復存焉者
馬氏經籍志載金人大明歷正以其不易得也是本爲崑
山徐閣老公肅甫所藏余假之編修道積錄其副按南渡
以後自紇元至會天歷名凡七改惟會天史得闕其法試
繇丙辰一歲推之歷家可忖測而得其故已歲在屠維赤
奮若夏四月朔秀水朱葵尊跋

天文會元占二十卷

舊抄本



原書卷數無考今存三垣及畢觜參井

尾箕斗牛須女虛危鬼柳星張翼十六宿共二十卷是書
諸家書目無著錄者惟天一閣書目有天文會元十二冊
未知卽此書否中引景祐新書乾象通鑑增廣天文考異

宋天文書惟乾象通鑑尚有傳本餘俱久佚藉此得考見
大略疑是宋元人舊帙宜珍秘之

數書九章十八卷

舊本

辰望館藏書

因魯郡秦九韶撰 四庫全書著錄本係從永樂大典錄
出者此則原本也

周教六藝數實成之學士大夫所從來尚矣其用本太虛
生一面周流無窮大則可以通神明順性命小則可以經
世務類萬物詎容以淺近窺哉若昔推策以迎日定律而
知氣脾矩濬川土圭度晷天地之大圓焉而不能外況其
間總總者乎爰自河圖洛書間發秘八卦九疇錯綜精微
極面至於大衍皇極之川而人事之變無不該鬼神之情

莫能隱矣聖人神之言而遺其粗常人昧之由而莫之覺
要其歸則數與道非二本也漢去古未遠有張蒼許商乘
馬延年耿壽昌鄭元張衡劉洪之倫或明天道而法傳於
後或計功策而效驗於時後世學者自高鄣不之講此學
於絕惟治厯疇人能爲乘除而弗通於開方衍變若官府
會事則府史一二系之算家位置素所不識上之人亦委
而聽焉持算者惟若人則鄙之也宜矣嗚呼樂有制氏僅
記鏗鎗而謂與天地同和者止於是可乎今數術之書尙
三十餘家天象歷度謂之綴術太乙壬甲謂之三式皆曰
內算言其秘也九章所載卽周官九數繫於方圓者爲重
術皆曰外推對內而言外也其用相通不可岐二獨大衍

法不載九章未有能推之者歷家演法頗用之以爲方程者誤也且天下之事多矣古之人先事而計計定而行仰觀俯察人謀鬼謀無所不用其謹是以不愆於成載籍章章可覆也後世興事造始鮮能考度浸浸乎天紀人事之散缺矣可不求其故哉九韶愚陋不閑於藝然早歲侍親中都因得訪習于太史又嘗從隱君子受數學際時敵患厯歲遘寒不自意全於矢石間嘗險羅憂荏苒卜禰心槁氣落信知夫物莫不有數也乃肆意其間旁諏方能探索杳渺粗若有得焉所謂通神明順性命固膚未放見若其小者竊嘗設爲問答以擬於川積多而惜其弃因取八十一題釐爲九類立術具章間以圖發之恐或可傳博學多

識君子之餘觀曲藝可遂也願進之於道儻曰藝成而下
是惟疇人府史流也烏足盡天下之川亦無膏焉時淳祐
七年九月魯郡秦九韶叙且系之曰

昆崙旁磻道本虛一聖有大衍微寓于易奇餘取策羣數
皆捐衍而究之探隱知原數術之傳以貴爲體其書九章
惟茲弗紀厯家雖用用而不知小試經世姑推所爲述大
衍第一

七精迴穹人事之紀追綴而求宵星晝晷厯久則疎性智
能革不尋天道模襲何益三農務穡厥施自天以滋以生
雨膏雪零司牧閔焉尺寸驗之積以蕃穰憂喜皆非述天
時第二

魁隗粒民甄度四海蒼姬井之仁政攸在代遠庶蕃墾苗
日廣步度庀賦版圖是掌方圓異狀表窳殊形衷術精微
孰究厥真差之毫釐謬乃千百公私共弊盍謹其籍述川
域第三

莫高匪山莫濬匪川神禹奠之積矩攸傳智創巧述重差
夕筮求之既詳揆之罔越崇深廣遠度則靡容形格勢禁
冠屨仇壻欲知其數先望以表因差施術坐悉微渺述測
望第四

邦國之賦以待百事畝田經入取之有度未免力役先商
厥功以衰以率勞逸乃同漢猶近古稅租以算調均錢穀
河畬之扞惟仁隱民猶己溺饑賦役不均甯得勿思述賦

役第五

物等斂賦式時府庾粒粟寸絲褐夫紅女商征邊徭後世
多端吏緣爲欺上下俱殫我聞理財如智治水澄源濬流
維其深矣彼昧弗察慘急煩刑去理益遠吁嗟不仁述錢
穀第六

斯城斯池乃棟乃宇宅生寄命以保以聚鳩功雉制竹箇
木章匪究匪度財蠹力傷國蔡而栽如子西素匠計靈臺
俾漢文懼惟武圖功惟儉昭德有國有家茲焉取則述營
建第七

天生五材兵去未可不教而戰維上之過堂堂之陣鵝鶴
爲行營應規矩其將莫當師中之吉惟智仁勇夜算軍書

先計攸重我聞在昔輕則寡謀殄民以幸亦孔之憂述軍旅第八

日中而市萬民所資賈賈墾鬻利析錙銖蹠財役貧封君低首逐末兼并非國之厚述市易第九

趙氏手跋曰數書九章十八卷宋淳祐間魯郡秦九韶撰會稽王應蓮輩爰借閣抄本而錄也予轉假錄之原無目錄予爲增入昔萬歷四十五年新正五日濟常道人趙璿美記

術數類

太元經十卷

明嘉靖刊本

漢楊雄撰晉范望叔明解贊 前有吳陸績述元一篇後

有說元玉篇題唐宰相王涯廣津纂案郡齋讀書志曰說元一卷唐王涯廣津撰凡五篇明宗一立例二揅法三占法四辨首五直齋書錄解題同蓋完書也又釋文一卷注云此本自侯芭虞翻宋衷陸績互相增損傳行于世非後人之作也直齋書錄解題引之蓋自宋已不知作者矣

郝梁重刊版

嘉靖甲申

太元集注十卷

抄本

司馬溫公注 前有讀元一篇後四卷則襄陵許翰所注也仿韓康伯注繫辭例合溫公書爲十卷末附明徐禎卿等識語

張敦實之言曰子雲作太元以明易溫公作潛虛以明元

則溫公之於子雲有深契焉能知元者非溫公孰集其大成哉近時太元傳本祇有晉范望解余家舊藏惠牛農評闕本深識晉人不識字注解多譌牛農頗有駁正之處今觀集注已有先牛農而言之者不誠勝于范注乎至是書原本已屬鈔本而此又從鈔本鈔出魚豕之疑知所不免若卷首讀元一篇已取傳家集中所載者補其脫正其訛如葢鞠之正而爲萬物此卽宿疑頓破之一古書難讀于此蓋信云堯圖黃丕烈識

魏齊讀書記曰溫公太元經十卷右皇朝司馬光君實集漢宋衷解詁吳陸績釋文晉范望贊唐王涯注經及首測宋維幹通注陳漸演元吳昶音義七家爲此書自慶歷至

元豐凡三十年始成其直云宋者衷也小宋者維幹也維幹漸秘告國朝人

直齋書錄解題曰太元集注六卷司馬光撰白宋衷而下四家之外有直昭文館宋惟幹注天水尉陳漸演元司封鄭吳應音義通前凡七家集取其說斷以己意

又曰元解四卷元應一卷右丞袁陵許翰崧老撰所解十一篇通溫公注爲十卷倣韓康伯注繫辭合王弼爲全書之例也大抵元首加彖贊加爻案原本說彖贊加三字今據文獻通考補入測加象文加文言攢瑩祝告如繫辭數如說卦衝如序卦錯如雜卦之類其於易也規規然擬之勤矣太元歷者亦翰易傳云溫公可錄不著何人作

右數學

唐開元占經一百二十卷 抄本

韋雲悉達奉勅撰

張一熙跋 萬曆丁巳

譙子五行志五卷 抄本 從陳君子集藏舊抄本傳錄

唐陽夏撰 新唐書藝文志崇文總目著錄言天文占

驗事讀書敏求記曰譙子不知何時人殆未之詳考歟

右占候

大易旁通天元賦八卷提綱一卷 元刊本

蓋占課之書也

余讀書之暇蓋嘗覃思乎鴻濛未分之前混沌既判之後

天地莫位日月代明四時行而百物生五穀熟而民人育
皆日月之運也蓋日月麗乎天而隱乎天寒暑之所以相
催晦明之所以迭用者莫不由此雖文字未生卦爻未費
日往月來而易固已行乎天地之間矣故曰乾坤毀則無
以見易詎不信乎是易也自伏羲既畫而爻象著文王周
孔贊而理義明陰陽奇偶可揲而見吉凶悔吝可玩而推
前乎千萬世之帝王弗能達也後乎千萬世之耆耄弗能
外也豈連山歸藏可得而並列哉世道日降風俗日漓無
復聖人者出而易之道隱矣逮秦及漢傳其書者不過句
讀而誦之訓詁以通之雖各自名家皆有義說歷魏迄晉
其書散亡惟王弼鄭元得之於費氏者其傳至今未泯也

他若楊子雲之太元邵堯夫之皇極司馬公之潛虛蔡仲
默之皇極內篇亦皆著書立言以垂不朽然皆不附於易
而邵子度越矣子雲書成當時以爲將以覆轡說雄曰使
後世復有子雲則必好之矣然迄今未有好者豈後果無
子雲耶堯夫書成手自緘題曰呈正堯夫豈當時果無可
與其觀者下豈當時隱者不欲著名氏猶曰無是公烏有
先生云爾烏有先生無是公云爾安得起若人與之論陰
陽之消長日月之盈虧剝復之相脗否泰之反類以繼漁
熊問答姑序其賦以致余之意云建陽鶴田叟蔣易師文
父序

右占課

新編四家注解經進路珠子消息賦六卷

抄本 從十謙莊藏
朱月水傳錄

監保義郎監內香藥庫門臣王廷光宜春李全嘉禾釋雲
瑩東海徐子平注 四庫全書著錄本係從永樂大典錄
出者此則原本也

王廷光進書序

宣和五年

人倫大統賦一卷

文淵閣傳抄本

金張行簡撰**元**薛延年注

夫閱人之道氣色難辨骨法易明骨法者四體之幹有形
象列部分一成而不可變欲識貴賤貧富賢愚壽夭章
可驗矣至于氣色通於五臟之分心爲身之君志爲氣之
帥心志有動氣必從氣從則神知神知則色見如蜂排沐

蠶吐絲隱現無常欲別旺相定休咎於氣色則見矣非老
於是者不能若精是術必究是書是書蔓延於世甚夥苟
不抉擇而欲遍覽猶入海算沙成功幾日善乎金尚書張
行簡人倫大統賦與芟諸家之冗繁撮百世之機要提綱
挈領不三二千言囊括相術殆盡條目疏暢而有節文辭
華麗而中理其心亦勤矣是以初入其門者未免鑽仰之
勞僕觸僭竊之非以數聞管見附註音釋其下仍括諸家
之善以解之目之曰音注集解庶使學者有所依藉然而
知面部分莫知適從亦徒勞耳而圖世傳者多指龜爲鼈
近獲邵陽簿李延玉所圖面部凡六其部分行運氣色骨
法紋痣至真且悉其義愈明而意愈彰可謂發蹤指示之

標的也故弁諸賦首庶學者披圖按賦相爲表裏決人吉凶如示諸掌可謂胸中天眼不枯矣豈無補哉雖然獲免魚必由筌蹄能樂五教切學必興其藝有心於是而欲齊唐舉之肩接許負之踵諒亦不能不自此始爾皇慶二年著龍癸丑端陽日秋潭薛延年壽之序

右命書相書

三歷撮要一卷 影寫宋刊本

不刊錄

按月具載嫁娶求婚上官出行等吉日

所引萬通歷會要歷百忌歷具注歷萬年歷集聖歷撮要

歷集正歷廣聖歷及壇經彈冠必用等書今惟集聖歷宋楊

可載晁志百忌歷唐呂才撰彈冠必用宋周謂撰載陳錄餘俱無考

是亦選擇家之祕籍也

直齋書錄解題曰三厯撮要一卷無名氏又一本名擇日撮要厯大略皆同建安徐清叟真翁云其尊人尙書公應龍所輯不欲著名

右陰陽五行

愛日精廬藏書志卷二十四

子部

藝術類

廣川畫跋六卷

舊抄本

董道撰

琴六夫子據楊升菴刊本校補闕文

文獻通考云廣川書畫跋五卷陳直齋

下

道撰今所錄之

本迺宋末書生傳寫誤

下

於作相德作浙不可枚舉自一

陽節日

下

午日較卷華亭孫道明明叔謹識年六十

下至

正乙巳十一月二十三日書于泗北村居

黃琴六先生手跋曰廣川畫跋一書世鮮傳本愛日廬中藏有舊抄本是從元人孫道明本錄出者余曾借抄一帙

惜卷中多空格而末卷後四葉歲久紙敝每行末有脫去三四字者及傳寫訛繆間有不可讀處惜無別本可校今秋月霄又得明嘉靖間升菴楊氏刊本屬余校勘前有劉大謨序後有升菴自叙第楊本訛繆亦多中脫文有連失一二篇者及此文錯入他文之尾者二處惟六卷中脫字尙全而舊抄亦有脫去全行者四五處皆據以補完亦快事也至兩本字句異同處頗多而得失亦互見並錄之以俟善讀者之自擇焉黃廷鑑校訖識

書苑菁華二十卷

舊抄本

錢埶陳思纂次

古以書爲名如周官掌達書名于四方饒禮百名書于策

則今所謂字也是故欲知學者必先識字不識字則無以
名物雖張顛草聖阿買入分猶爲不識字也臨安粥簪人
陳思乃能集漢魏以後論書者爲一編曰書苑菁華豈不
可尙雖然是猶後世誇工鬪妍非吾所謂識字者若好學
者又於此邇流尋源以及於秦漢而上求古人所以名之
意則讀書爲文也其庶乎鶴山翁題

右書畫

漢官儀三卷

抄本

劉敞撰

凡此書皆漢儀也故始爲戲者先置盆入金以象口錢非
劉氏不得王爲宗正及尙公主以象一姓漢自董仲舒言

愚者昔日士德之通其數五五五二十五極矣故事二十五擲乃一終局

吾幼年時集西漢士大夫選官故事爲博戲仲原父爲之序書遂流行及後四十五六年予年六十爲亳州守得舊書閱之惜其少年讀書未能精熟未盡善也因復增損之然後該備吾年前後相望如此之久而嗜戲不異前時世言老人與小兒同豈謂是邪又佛說形有衰壞而識未嘗改於此効矣漢之仕宦異於今居官者輒累歲不數數遷徙故亦變改戲采令其相似又皆爲諸采定名令其雅而不俗可喜云

郡齋讀書志曰漢官儀采選一卷右皇朝劉敞撰刪取西

漢之官而附其列傳黜陟可戲笑者雜編之以爲博奕之一物

右雜伎

譜錄類

文房四譜五卷

抄本

宋武功蘇易簡太簡輯 卷一列仙傳條下脫四十二條
卷二毛穎傳下脫魏傳公選筆銘卷三張彭祖條下脫九
條其餘闕文譜字約有二百八十餘處 琴六夫子從何
君夢華假崔夢山房振綺堂兩抄本校補

聖人之道天下之務充格上下編亘古今究之無倪酌之
不竭是以君子學然後知不足也然則士之處世名既成

身說秦猶復孜孜于討論者蓋亦鮮矣昔魏武帝獨嘆於
袁伯業今復見折武功蘇君矣君始以世家文行貢名春
官天子臨軒考第首冠羣彥出入數載翱翔青雲綵衣朱
綬光顯里閭其美至矣而其學益勤不矜老成以此爲樂
退食之室圖書在焉筆硯紙墨餘無長物以爲此四者爲
學所資不可斯須而闕者也由是討其根源紀其故實參
以古今之變繼之賦頌之作各從其類次而譜之有條不
紊既精且博士有能精此四者載籍其焉往哉愚亦好學
者也覽此書而珍之故爲文冠篇以示來者東海徐鉉
班志有言曰小說家流千三百八十篇蓋出于稗官道途
之說也孔子曰雖小道亦有可觀者焉苟致遠而不泥庶

亦幾於道也矧善其事者必利其器尋其波者必討其源
吾見其決洩古先之道發揚翰墨之精莫不由是四者方
傳之無窮乎苟闕其一雖敏妙之士如廉頗不能將楚人
也嘗觀茶經竹譜尙言始末成一家之說況世爲儒者焉
能無述哉因閱書視府遂檢尋前志并耳目所及交知所
載者集成此譜問之通識者識者亦曰可故不能棄其冠
序則有騎省徐公述焉敢以冒臆之志復書于卷末云時
皇宋龍集丙戌雍熙紀號之三載九月日翰林學士蘇易
簡書

黃琴六先生手跋曰此書向無善本照曠閣刊學津時出
其家藏抄本屬校謄誤殆不可讀譬勘再三粗成句讀而

中如文蔚四侯傳及墨譜中段溫贈答書狀十二首不見
于他類書徵引者槩從闕如緣是錄副未梓己卯冬晤錢
坤夢華何君云近得崔夢山房舊抄完本從之借校今春
夢華携書來知又新從振綺堂汪氏本校過者狂喜欲絕
遂從兩本合技一過補卷一筆之雜說脫文四十二條
卷二筆之詞賦一條卷三硯之叙事九條其餘闕文錯字
約計二百八十餘字其異同處兩通及存疑者不計焉是
書至是可稱完善矣特未知視敏求記所云絳雲勘對疑
似之本相去又何如也拙經老人黃廷鑑識

名家類

古迂陳氏家雜尹文子二卷

宋刊本

周人尹文子著 伏讀

欽定四庫全書總目曰尹文子文獻通考著錄作二卷此本通
爲一卷蓋後人所合併也是本分上下二卷猶是原書舊
第可貴也

魏山陽仲長氏序 黃初末 殘闕

雜家類

白虎通德論十卷 元大德月本 項氏萬卷堂藏書

漢元武司馬臣班固纂集 前有無名氏跋案是書爲無
錫州守劉公平父鉉梓或卽平父所識歟目錄後又有題
辭云敬以家藏監本刊行是則平父所識無疑跋中論不
敢改迎子劉一事云班固漢人去古未遠必有所祖假借

通用未可盡知後人未得壯固之心安可輕議班固之述
作云云誠或是言亦可見其篤信好古謹慎不苟矣漢時
尙書立學官者凡四家曰歐陽氏曰大夏侯氏曰小夏侯
氏曰古文尙書古文尙書東漢末立學官止選高才生講習師承各守訓解多
岐至字句之異同見於釋文諸書者蓋難枚舉安知四家
中不有作迎子劉者古書散亡百不存一敢據今日所見
之本爲定耶明遼陽傅綸本改迎子劉爲迎子劉並刪去
此跋以後吳琯程榮何允中胡文煥鐘惺諸本俱襲其謬
沿誤至今不特無一人糾正且有以不改劉字爲過於拘
泥者于此益嘆平父之卓識爲不可及也

張楷序

大德九年

嚴度序 大德乙巳

無名氏跋

劉平跋

獨斷二卷 明宏治刊本 葉石君藏書

漢左中郎將陳留蔡邕撰

呂崇孟刊跋 清康熙庚子

劉遜重刊序 宏治癸亥

近事會元五卷 舊抄本

因贊皇李上交撰

儒家者流誠資博洽天下之事散有本原苟道聽之未詳則實圖而奚解實繁廣記以避無稽嘗謂經籍之淵頗易

探討耳目之接或難周知上交以退寓鍾陵靜尋近史及諸小說雜記之類起唐武德而下盡周人顯德之前擷細勢之所因庶開談之引據如曰小足不講情則包羞聊此篇聯無謂叢脞凡五百事釐爲五卷目曰近事會元爾時丙申嘉祐改元長至日也

太歲乙酉避亂於洋蕩之村居是年閏六月憂悶無聊遂手書此二十日而畢是書是奉季公所藏余從孫岷自借抄之七月初六日屏守老人記

芥隱筆記一卷

舊抄本

芥隱 顧正撰

士非博學之難能審思明辨之難古人固有耽玩典籍涉

獵書記窮年皓首貪多務得者矣然履常蹈故誦書綴文
起耳目前不求甚解疑誤相傳莫通倫類漫無所考按也
檢討鄭公以學問文章知名當世諸公要人爭欲令出我
門下自六藝百家諸史之籍无所不讀河圖洛書山經冢
刻方言地志浮屠老子騷人墨客之家无所不記至於討
論典故訂正事實辨明音訓評論文體雖片言隻字必欲
推原是正俾學者知所依據此其閒居暇日有得於一時
之誦覽者隨而錄之一號曰筆記若夫他日當大典冊換
大號令則武夫感泣癯老扶觀當埒燕許輩秉太史筆褒
貶是非勸善懲惡凜然有遺直之風回視筆記特翰墨之
遊戲耳嘉泰改元孟冬旣望汝人劉董敬用鉞木于東甯

郡庠庶侈其傳

民獻鵠來分教玉融荒陋絕少書籍間有闕疑无復訂正
一日使君袖出此書相與誦詠片言隻字音辨義明迺知
公之該博尤深於探討宜闢之以不艾後學公之學問殆
不止是魯來者窺一斑云荅溪雅民獻謹書

藍浦筆記十卷

舊抄本

閩昌詩集

自序 嘉定癸酉

觀石林燕語多故實舊聞或古今嘉言善行可謂博洽矣
而懷玉汪先生每事辨其誤信乎述作之難也昌詩讀不
多託子墨以自試好事者問欲得之而筆札或不給後二

年乙亥秋輟清俸鉅梓于六峰縣齋非敢以傳世也亦願聞其謨焉爾重陽日書

謝兆申跋 萬曆三十九年

古今考三十八卷 明正德刊本

因鶴山魏了翁華父撰 **元**紫陽方回萬里續

鶴山先生自序曰梁陽山中暇日編校經傳自兩漢諸儒去古未遠已不能盡識三代遺制凡冕服車旗類以叔孫通所作漢禮器制度爲據其所憶度者無以名之則曰猶今之某物然孔賈諸儒爲之疏義則又謂去漢久遠雖漢法亦不可考因嘆三代遺制始變於周末大壞於秦漢而盡亡於魏晉以後雖名物稱謂字義音釋亦鮮有存者故

使經生學士白首窮經而疲弊於訓詁佔畢之末有終其身而不能盡知者嗚呼是誰之咎歟解之繇曰無所往其來復吉有攸往夙吉漢承秦弊大難既解是無所往也而昧於來復風往之戒徒能隨世就事爲秦漢以後規模賈誼所謂建久安之勢成長治之策蓋欲及時定制盡復三代之舊爲萬世太平計而一時君臣不足以知此至董仲舒王吉則復遠復疎蓋自是人情習於簡陋古制蓋不可考矣姑卽漢紀隨文辨證作古今考

右鶴山先生初藁所撰先生次子故大府卿浙西安撫使知臨安府靜齋先生家藏回客門下自淳祐十二年壬子於知吾州時入書塾咸淳丁卯國子正遺論寄家於先生

之鶴山書院秋九月借親筆繹觀遂錄諸此所謂古今考者僅成二十則而未竟所以今大全集不載謹錄二十則者於後以見夫前輩讀書用功有如此者而亦以見夫此書之不成遂使後學無繇考知古今異同之變爲可惜也靜齋謂鶴山之意以漢最近古用班固書帝紀隨句解釋則知古制之所以變者在於周末及秦而古制之所以不復者在乎漢之因秦之陋善學者從是而推之亦可粲粲其遺意云紫陽方回書

泰定甲子先君文英任監官州幙職時知州方公存心乃虛谷先生冢子也間嘗論易蓋以先君深嗜易學者也每以魏文靖公十七家易集義爲言謂辭變象占乃易綱領

而繇彖爻象之辭畫爻位虛之別至反飛伏之說秉承比
應之例一有不知則義理缺焉文靖公仲子靜齋先生知
徽州時嘗以集義與九經要義同刊於紫陽書院墨本則
藏於虛谷家南於侍旁猶及見之今亦已矣又以漢高之
時去古未遠可復三代之舊惜乎一時君臣不足以知此
遂使古制益不可攷故卽遷史本紀所載論其得失考禮
樂制度名數作古今考及著皇極經世書考書成而皆未
脫藁其未備者則虛谷先生續之知州悉出三藁以示先
君嘆曰當宋之季真魏之學大鳴於南北讀書記乃義理
之本根九經要義乃典故之淵藪誠學者所由入之門也
今又得觀此二書則知文靖公之學實真切之學也豈習

於簡陋者可窺測哉遂親校讐其故藁俾能書者謄寫二本擇楷正者歸於知州周壽諸梓以次本藏於家後十年知州來吳則知其所藏者皆燬於火又十年先君亦奄棄二書卒未能板行丙申兵興南家所留經世書考亦失之僅有存者古今考耳竊嘗考之西山先生真文忠公建甯浦城人鶴山先生魏文靖公邛州蒲江人天下謂之真魏同生淳熙五年戊戌同登慶元五年己未進士第同顯於朝文靖公以權工部侍郎坐言事忤時相謫靖州囚繫閒僻日從經史精研極討卧五溪窮處踰七年類聚成編遂傳於時然不如是則後世焉得是書而讀之耶噫聖如孔子天不使之居周公位大儒如濂洛諸賢天亦不使之得

行道於一時而使之立言於萬世其有以哉南晚生學疎
材下而力有所不逮未能卒成先君之志姑以古今考與
世同志者抄寫數十本以廣其傳云至正二十年庚子十
一月甲寅後學周南拜手謹書於卷末

困學紀聞二十卷 元秦定月本

因 浚儀王應麟伯厚撰 卷末有孫厚孫甯孫校正慶元
路儒學學正胡禾監刊二條

牟應龍序 至正二年

袁桷序 奉定二年

自序

陸晉之序 奉定二年

右雜考

論衡三十卷

元刊明修本

王充撰 目錄後有正德辛巳四月吉旦南京國子監
補刊完本記卷一果害埏成丘山汚爲江河下一頁通津
草堂以下諸本俱闕

王充氏論衡崇文總目三十卷世所傳本或爲二十七卷
史館本與崇文總目同諸本繕寫互有同異宋慶歷中進
士楊文昌所定者號稱完善番陽洪公重刻於會稽蓬萊
閣下歲月既久文字漫滅不可復讀江南諸道行御史臺
經歷克莊公以所藏善本重加校正紹興路總管宋公文
瓚爲之補刻而其本復完交生會稽而受業太學問書市

肆遂通衆流其爲學博矣閉門絕慶弔著論衡八十一篇
凡二十餘萬言其用功勤矣書成蔡邕得之視之帳中以
爲談助王朗得之及來許下人稱其才進故時人以爲異
書遂大行於世傳之至今蓋其爲學博其用功勤其著述
誠有出於衆人之表者也嘗試論之天地之大萬物之衆
無一定之形而有一定之理人由之而不能知知之而不
能名也古昔聖人窮神知化著之簡編使天下之人皆知
其所以然之故而各有以全其才五三六經爲萬世之準
則者此也先王之澤熄家自爲學人自爲書紫朱雜廁瓦
玉襍揉羣經專門猶失其實諸子尺書人人或誣論說紛
然莫知所宗充心不能忍於是作論衡之書以爲衡者論

之平也其爲九虛三增論死訂鬼以祛世俗之惑使見者
曉然知然否之分論者之大旨如此非所謂出於衆人之
表者乎然觀其爲書其釋物類也好舉形似以相質正而
其理之一者有所未明其辯訛謬也或疑或決或信其所
聞而任其所見尙有不得其事實者况乎天人之際性命
之理微妙而難知者乎故其爲書可以謂之異書而不可
以爲經常之典觀其書者見謂才進而實無以自成其才
終則以爲談助而已充之爲書或得或失不得而不論也
雖然自漢以來操觚之士焦心勞思求一言之傳而不可
得論衡之書獨傳至今譬之三代鼎彝之器宜乎爲世之
所寶也且充之時去三代未遠文賢所傳見於是書者多

矣其可使之無傳乎之世刻本會稽者最善克莊公爲之校正而補刻之傳之人人其與帳中之書戒人勿廣者可謂遠絕矣至元七年仲春安陽韓性書

王氏族姓行狀於自紀篇述之詳矣范氏東漢列傳云充字仲仰嘗受業太學師事班彪博覽而不守章句家貧無書嘗遊雒陽市肆間所賣書一見輒能誦憶遂博通衆流百家之言充好論說始若詭異終有理實以爲俗儒守文多失其真乃閉門潛思禮絕慶弔戶牖牆壁各置刀筆著論衡八十五篇二十餘萬言釋物類同異正時俗嫌疑訂百氏之增虛詰九流之拘誕天人之際悉所會通性命之理靡不窮盡析理折衷此書爲多既作之後中土未有傳

者蔡邕入吳會始得之常祕玩以爲談助故時人嫌伯喈
得異書或搜求其帳中隱處果得論衡抱數卷持去邕丁
甯之曰惟我與爾共之勿廣也其後王朗來守會稽又得
其書及還許下時人稱其才進或曰不見異人當得異書
問之果以論衡之益繇是遂見傳焉流行四方今始千載
撰六帖者但摘而爲備用作意林者止鈔而同諸子吾鄉
好事者往往自守書櫝爲家寶然其篇卷脫漏文字踳駁
魯魚甚衆亥豕益訛或首尾顛蹶而不聯或句讀轉易而
不紀是以覽者不能通其讀焉余幼好聚書於論衡尤多
購獲自一紀中得俗本七率二十七卷其一程氏西齋所
貯蓋今起居舍人彭公秉會所對正者也又得史館本二

各三十卷乃庫部郎中李公秉前所校者也余嘗廢寢食
討尋衆本雖畧經修改尙互有闕遺意其謄錄者誤有推
秘校勘者妄加刪削致條綱紊亂旨趣乖違儻遂傳行必
差理實今研覈數本之內率以少錯者爲主然後互質疑
謬沿造本源譌者譯之散者聚之亡者追之俾闕者仍續
闕者復補惟古今字有通川稍存之又爲改正塗注凡一
萬一千二百五十九字有如日星之麗天順經羅而軌道
河海之紀地自源委以安流其文取譬連類雄辯宏博豈
止爲談助才進而已哉信乃士君子之先覺者也秉筆之
士能無祕玩乎卽募工刊印庶傳不泯有益學者非矜己
功不敢同王蔡之徒待搜之然後得而共問之然後言其

蓋也時聖宋慶歷五禩二月二十六日前進士楊文昌題
序

新刊王充論衡殘本十卷

元至元刊本

王充撰 是本合兩卷爲一卷凡十五卷闕六至十五
卷每半頁十二行行二十四字埤成丘山汚爲江河下一
頁不闕

楊文昌序

韓性序

右王充論衡三十卷王君是邦人也帳中異書漢儒之所
爭覩轉寫既久舛錯滋甚殆有不可讀者以數本俾寮屬
參校猶未能盡善也刻之木藏諸蓬萊閣庸見避堂舍蓋

之意乾道丁亥五月十八日會稽太守番陽洪适景伯書
至元六年夏月重鈔于白雲方丈

封氏見聞記十卷 舊抄本

唐朝散大夫檢校尚書吏部郎中兼御史中丞封演撰

文昌雜錄六卷 述古堂抄本

宋龐元英撰 每頁格闌外有虞山錢道王述古堂藏書

一條

自跋

衍傳跋

却掃編三卷 先君子手抄本

宋徐度撰

予閒居吳興卞山之陽日呂家步地僻且陋旁無士子之
廬杜門終日莫與晤言間思平日聞見可紀者輒書之未
幾盈編不忍棄去則離爲三卷時方杜門却掃因題曰却
掃編雖不足繼前人之述作補史氏之闕遺聊以備遺忘
示兒童焉睢陽徐度

紹興吏部侍郎徐仲立父以宰相子自力學問踐世科登
法從而不能苟合於時故得以家食之日讀書山中多所
論著國紀一書其子嘗上送官今在中祕凡中原之文獻
亦既足證矣是編特隨筆所紀然其大者可備太史公之
纂述下至譚笑之餘尙皆是傳於世嘗聞習於徐氏之門
者言其襟韻蕭散論議英發有晉宋簡遠之趣而考訂根

據辨析精敏不竟不止迺若收拊晚輩教以前言往行窮
日夜無餘色有以知其天姿之過人也因遂與論世考古
者其之時嘉泰壬戌立秋日金華邵康書於桂水郡齋

寓簡十卷

舊抄本

宋 寓山沈作喆明遠纂 板心有小草齋鈔本五字卷首
有晉陵謝氏家藏圖記蓋明謝肇淛藏本也

自序

密齋筆記五卷續筆記一卷

文淵閣舊抄本

宋 謝采伯撰

寶祐乙卯天台謝公鼓院來守臨川宗旦實爲贅貳一日
以密齋筆記授宗旦曰此吾先君子晚年之所著也宗旦

受而讀之驚喜歎賞如游寶山如閱海市瑰奇詭異之物
燦然前陳駭目洞心應接不暇是豈淺鮮者所能到哉其
殆貫穿百家馳驚千載者歟夫士非窮愁莫能著書一行
作吏此事迷廢常情之通患也矧者臺高蹈燕引居恬未
有肯措意於筆硯者密齋以宰相子數歷中外薦更麾節
晚境倦游乃能逍遙里第耽玩墳索抽毫瀆墨述所以
自見於世所謂富貴不能淫年彌高而德彌劬者密齋有
焉陸賈當功成名遂之餘乞身歸田擁車騎負寶劍遨遊
諸子間醴酒擊鮮以自娛樂追思向來新語殆如夢事向
子平隱居讀易自男婚女嫁之後斷絕家事勿使相關迺
肆意於名山大川之觀曩時韋編不得過眼矣王逸少蘭

亭一片似能言者及其守早退之節又不過企慕子平所
爲盡山水之遊求藥石植桑果抱子弄孫以卒歲於著書
乎何有以密齋視三子富貴年齒度越迨甚謂宜屏却簡
編燕酣登眺可也而密齋之所樂爲有三子之所不克爲
者由是言之士大夫晚節嗜好有不迷其初者鮮矣觀密
齋自序謂以此書傳示子孫使知其老不廢學噫此其詒
謀得意又可與俗人言哉越明年鉉梓郡齋輒爲題其後
鼓院名奕林密齋先生次子也寶祐丙辰夏五中泠通直
郎添差通判撫州軍州兼管內勸農營田事王宗旦謹書
余好漁獵書傳時年六十有三易班東歸天賜一閒無以
解日書生結習未除亦自憐有閒見豈應以鵠弁泯沒遂

著於篇以示兒輩曰或問者兒輩所質問也經史本朝文
藝雜說幾五萬餘言固未足追煥古作要之無抵牾於聖
人不鮮愈於裨官小說傳奇志怪之流乎庶後之子孫知
余老不廢學云爾淳祐元年辛丑長至謝采伯元若甫引
右密齋筆記別經史本朝文藝雜書釐爲五卷續記一卷
先公易班東歸晚年著此比鉅梓家塾而字小不便老眼
外誤未暇考訂奔楮挈來臨汝欲刻置郡齋適是正魯魚
其間至有脫簡者亦復增補使備始得爲善本一夕夢先
公若有喜色謂奕楸曰汝日所爲吾從旁覘之行又作婆
女矣蓋大卿兄守婺故也嗚呼先公沒六年而精爽炯然
托諸夢以詔諸孤一舉措頃在其左右顧不肖何以稱塞

惟戰戰兢兢是戒是懼而已既刊此書屬兩倅題卷末輒
復記此時寶祐丙辰孟秋中浣男奉議郎權知撫州軍州
兼管內勸農營田事節制軍馬奕楸百拜書

昔歐陽公著歸田錄范蜀公作東齋記事皆在辭蟬拾冕
後蓋前輩於文章翰墨若飢食渴飲未嘗一日廢非有老
壯之分仕止之間也密齋先生年六十有三卽弭節杜門
淡然無營惟耽玩書史遠紹旁搜今觀筆記一書如武庫
乍開戈矛劍戟犀利森列使人毛髮竦豎非習次千古筆
力萬鈞斷克爾歟其視歐范二公風流蘊藉相似也臨川
使君一日出示家集且病舊板漫漶字有脫誤將屬太史
王公是正之別錄之梓方動念間忽夢密齋如平生是知

公於斯文雖神遊八極未能忘情嗚呼其精爽豈不可敬
畏哉漢韋賢父子以明經爲宰相時爲之語曰遺子黃金
滿籩不如教子一經今密齋獨以文印傳子孫而使君又
克成先志是亦韋氏一經之教由此觀之君家之福未艾
也寶祐丙辰季夏朔日通直郎撫州軍州兼管內勸
農營田事成公策識

吹劍錄一卷

夏氏益虞手抄本

秦百巖藏書

摺括蒼俞文豹撰

板心有元覽中區四字

自序

清嘉三年

秦氏手跋曰己丑秋予嘗手錄此冊夏君虞逸借觀竟失
去虞逸雅不自安復從周見心原本錄此見寄庚寅正月

下泮日再識

孫氏手跋曰吹劍錄前後二集西巖秦公藏書也前集夏
蓋虞先輩所書後集爲秦公手筆公手抄甚富而筆法流
潤莫過於是是蓋老年筆也寶之寶之祇自孫江記

困學齋雜錄一卷

文淵閣傳抄本

鮮于樞撰

敬齋先生古今雜殘本十一卷

舊抄本

敬齋李治撰 原四十卷今存卷一至十一凡四百七

十餘條 四庫全書著錄本從永樂大典錄出此則原書

殘本也後有萬歷庚子春三月之言武林書室蔣德盛梓

行兩行

玉堂嘉話八卷

淡生堂抄本

汲郡王惲著 文瀾閣傳抄本卷八頗有闕文是本較
爲完善舊抄之可貴以此板心有淡生堂抄本五字

白序 至元戊子

右雜說

愛日精廬藏書志卷二十四終